

Kinikin 504 Kapais Eis ren Ekkewe Sukuuned Oregon

Kinikin 504 Kapais Eis ren Ekkewe Sukuuned Oregon	1
Ion ekkewe chon sukuun ra eppet fan nurun ei Kinikin 504?	2
Met ei “apwangapwangen inis ika non ekiek”?	2
Met wewen “kon watte an pinepinan/keukun”?	2
Met ew checkin semwen (diagnosis) mi auchea ren an epwe apwungano pwun emon chon sukuun mi wor terin fan nurun ewe Kinikin 504?	2
Met ei “technical eligibility”?	2
Met ekkewe apwangapwang non fansoun mwochomoch mei pwan nomw non tikkin ter me non Kinikin 504?	3
Met ewe tesin 504?	3
Met ei FAPE?	3
Met wewen “placement”?	3
Io a wisan apwungano an tufich ngeni me nenien?	3
Meta wisan ewe saam me iinn/ chon tumwu ewe chon sukuun non Kinikin 504 ren pekin finata?	3
Met ekkei annuk mi namwot eaeen ekkewe kokkotun 504 ika taropwen?	4
Io epwe tongeni wiseni 504 Coordinator?	4
Met ew district ika sukuun epwe feeri ika saam me iinn/chon tumwunu ewe chon sukuun tungor ew tesin 504?	4
Met ekkewe pekin aninis a och sipwe tongeni apachanong non ewe 504 Plan?	4
Emon chon sukuun epwe menei me ruu kokkot ren ew IEP me 504?	4
Emon chon sukuun mei menei me ruu ekkewe Kokkotun Tumwunun Safei (Individualized Healthcare Plan-IHP) me ew Kokkotun 504.	4
Met ekkewe pekin ettina sefani me nengeniochu mi namwot?	4
Inet emon chon sukuun epwe tongeni you seni ekkewe aninisin 504?	5
Mi pwisin wor an Oregon annuk fan itan chon sukuun ir mi tufich ngeni 504?	5
Met sokkun met kose tipweew ngeni ika kamplein epwe tongeni faen ren pekin akinikin/nifinifin aramas ekkewe mi wor terin inisir mi annuk me non ewe Kinikin 504?	5

Ion ekkewe chon sukuun ra eppet fan nurun ei Kinikin 504?

Kinikin 504 a apachanong meinisn chon sukuun mi wor terin ir mi fiti ekkewe sukuun ra angei aninisin mwoni seni mwun Merika ika federal. Kinikin 504 a awewei ewe chon sukuun a fich ngeni epwe emon mi ter pwe mei:

1. Mi wor apwangapwangen inisin ika non an ekiek ewe a euku ewe ika nap seni ekkewe mwokutukutun manawach mi auchea; ika
2. Mi wor taropwe ekkei apwangapwang; ika
3. Sia ekieki nge a wor rer ena sokkun apwangapwang

Met ei “apwangapwangen inis ika non ekiek”?

Ekkewe annukun Kinikin 504 ese affata me tichiki ewe napanap me tetenin apwangapwangen inis me non ekiek pwun ren mei weires epwe unusoch ei teten. Ewe finata ika emon chon sukuun mi wor apwangapwangen inisin ika non an ekiek mei fokkun pineei ika euku an epwe tongeni feeri met ekkewe epwe feeri mi auchea ngeni nonomwun, sia tongeni finata epwe anongonong won e ewe aramas, fiti fengen me meinisin ekkewe pworaus ika data, me epwe kapwunguno me ren ewe Kumien 504.

Met wewen “kon watte an pinepinan/keukun”?

Kinikin 504 ese awora ew napanap ika keuk epwe euku watteen pinepinen/keukun an feeri mettooch Nge, ewe annuk Americans with Disabilities Act (ADA) a awewei “watteen pinepinen/keukun” pwe emon aramas ewe ese tongeni an epwe ika mi fokkun eukuuk an tongeni pwokiten ei apwangapwang, napanapan ika ttamen an epwe feeri ei mwokutukut anenne fengenir me ekkewe tappin aramas (average person). “Average person” a wewe ngeni tappin ierin chon sukuun ika grade/kreitor non ewe state ika fenu. Ei anenne fengen **esapw** anenne fengenin an chon sukuun tongeni, ngeni pwin/feffin ewe chon sukuun, ika ngeni ekkooch chon sukuun non an iwe class ika sukuun.

Met ew checkin semwen (diagnosis) mi auchea ren an epwe apwungano pwun emon chon sukuun mi wor terin fan nurun ewe Kinikin 504?

Apw. Non ewe Kinikin 504, ew district epwe tesini emon chon sukuun ika ewe district mi sinei ika e ekieki pwe ewe chon sukuun epwe wor terin. Ewe district a tongeni tungor an ekkewe saam/iinn repwe awora pworaus an safei ika ra tongeni tungor an ewe saam/iinn repwe mwutata ar repwe angei ekkewe pworaus safei seni ew tokter, ika pwe mi fen wor ekkei pworaus. Iwe, ika ewe district epwe ekieki epwe wor terin me ekkewe saam me iinn rese tongeni awor pworaus, me ewe district epwe ekieki pwe ei pworaus mi auchea ngeni ar repwe sinei ika ewe chon sukuun mi wor terin me tichikin aninisin kae me ekkewe ekkooch aninis epwe riri ngeni an kae epwe menei, ewe district epwe anisi ekkewe saam me iinn ar repwe angei ekkei pworaus, ika mo ewe district epwe meeni.

Met ei “technical eligibility”?

Seni atun ewe Siwinin Anuukun ADA (ADA Amendments Act -ADAAA) (2008) ren tufich ngeni me non Kinikin 504 ese anongonong won an emon chon sukuun menei ekkei aninis, ekkewe chon sukuun ir mi tufich ngeni nge rese menei ekkei aninis fan ekkooch sia eita ngenir chon sukuun ir mi “technically eligible”. Napengeni fansoun, ekkei chon sukuun rese tufich ngeni me non ewe “record of” ika “regarded as” tes ren tufich ngeni Kinikin 504. Ekkewe chon sukuun ir mei tori ekkooch keukun tufich ngeni epwe wor ngenir ekkewe pwung ika civil rights mi tumwun me non Kinikin 504.

Met ekkewe apwangapwang non fansoun mwochomoch mei pwan nomw non tikkin ter me non Kinikin 504?

Apwangapwang non mwochomochun fansoun a tongeni sipwe era pwe ii ew ter anongonong won ew me ew keis. Ika pwe ewe apwangapwang non mwochomochun fansoun a kon watte an pinei/euku an epwe feeri mwokutukut mi auchea non manawen, iwe ei a tongeni epwe ew ter me non ewe Kinikin 504.

Met ewe tesin 504?

Ew 504 tes ekan pwopwuta won ew review ika ar repwe nengenchu ekkewe pworaus mi fen wor ren pworaus a kawor seni saam me iinn; ese nifinifin pwan tes ewe sukuun a feeri ika atou; pworaus an ewe chon sukuun seni kewe tokter ra safeani, ika epwe wor; taropwen an sukuun; taropwen an fiti sukuun; pwungun a tes seni ewe state, me pwan ekkooch. Ew etittin a tongeni epwe mennapei, pachenong pworaus an nipwakoch, taropwen an mwokutukut me pwan ekkooch keuk, ika epwe tichik me awenewen chok won pworaus an safei. Ewe etittin epwe naafen ach sipwe pwungueno ika ewe chon sukuun mei wor terin me non Kinikin 504, nge ika epwe ina, iwe pwan ika ewe chon sukuun epwe menei ew 504 Plan an epwe tongeni angei me tufichin kae non ekkewe sukuunen mwuun.

Met ei FAPE?

FAPE wewen “sukuunen mwun ese kame me mi och (free appropriate public education)” Ekkewe chon sukuun mi wor terin repwe angei ei pekin kae me ekkewe ekkooch aninis mi riri ngeni escape kame, chinon chok ekkewe niwin meinsin chon sukuun repwe meeni. “Appropriate” wewen ewe pekin kae me aninis mi riri ngeni repwe anisi met ewe chon sukuun mei menei an epwe amecherei ngenir usun chok ekkewe chon sukuun ese wor terin.

Met wewen “placement”?

Placement (anenia) a auchea ngeni pekin sukuun me ekkewe aninis mei riri ngeni a kawor ngeni ewe chon sukuun mi ter, me ewe neni ia ewe chon sukuun a angei me ia ekkei aninnis. Placement (nenien) a tongeni epwe affatafat non ewe 504 Plan.

Io a wisan apwungano an tufich ngeni me nenien?

Ewe chok kumi a mwumwuta epwe finata iei ewe Kumien 504 a kapachenong ekkewe aramas ra sinenap: emon mi sinenapei ewe chon sukuun, emon mi sinenapei ekkewe pworaus etittin, me emon a sinenapei ekkewe pekin finata ren neni ika placement. Emon chok epwe finata ese mwumwuta me non ewe Kinikin 504.

Meta wisan ewe saam me iinn/ chon tumwu ewe chon sukuun non Kinikin 504 ren pekin finata?

Anongonong won an district kewe anapanapen met epwe fis, ewe saam ika iinn epwe emon ekkewe chochon ewe Kumien 504 repwe invitinir me a tongue epwe pwan choni ewe kumi epwe finata met epwe fis. Emon saam ika iinn epwe awora an mwutata an ew etittinen 504 me ewin anenia ewe chon sukuun (feeri me pwopwutan ewe 504 Plan).

Met ekkei annuk mi namwot eaeen ekkewe kokkotun 504 ika taropwen?

Ekkewe district ra angei repwe feerata pwisin ar kokkotun me napanap ewe epwe pwung ngeni an Kinikin 504 annukun feeri ren ekkewe sukuunen mwuun ren elementary me aisikuun. ODE a awora ekkooch awewen ekkei taropwe won ewe [Resources for Section 504 Coordinators webpage](#).

Io epwe tongeni wiseni 504 Coordinator?

Ewe me ewe ekkewe district mi angei epwe awisa ngeni emon chon angang an epwe tumwunu pwonuetan Kinikin 504, ewe a iteni 504 Coordinator. Ewe 504 Coordinator a wor ngeni chon repwe feeri angangen 504 ngeni emon me emon chon sukuun. Ekkewe chon angang rese wiseni repwe anamon ne anganga me esor ar pechokun ar repwe akkota meinis wisan 504, awewe ren penuweni ekkewe kamplein me chosani ekkewe pwung an aramas. Afatafatan ekkei wiis a fokkun auchea.

Met ew district ika sukuun epwe feeri ika saam me iinn/chon tumwunu ewe chon sukuun tungor ew tesin 504?

Ewe district a tongeni epwene sopweino ewe napanapen tes ngeni ewe chon sukuun ren an tufich ngeni 504 ika a tongeni esapw etiwa an epwe tes. Ika epwe me esapw, ewe district epwe awora eche taropwen esinesin won met a finata me awora eche kapin ekkewe tumwunun angang ren Kinikin 504 ngeni ekkewe saam me iinn/chon tumwunu ewe chon sukuun, epwe pachenong ewe pekin finata ar repwe apwungu met rese tipeew ngeni.

Met ekkewe pekin aninis a och sipwe tongeni apachanong non ewe 504 Plan?

Ekkewe aninis a auchea ngeni ewe chon sukuun an epwe fiti me tufich seni an ewe district kewe prokramen kae epwe nenne fengen me ekkewe chon sukuun ese wor terier nein unusen aramas. Ekkei a tongeni epwe aninisin kae ika nenien kae, annukun me napanapen siwin, ika ekkooch pwan aninis mi riri ngeni ar kae.

Emon chon sukuun epwe menei me ruu kokkot ren ew IEP me 504?

Apw. Meinis chon sukuun mi wor terir non ewe IDEA mi wor ar pwung mi tumwun me non ewe Kinikin 504. Meinis kinikinin an ewe chon sukuunen prokramen kae epwe kapachenong non ewe IEP.

Emon chon sukuun mei menei me ruu ekkewe Kokkotun Tumwunun Safei (Individualized Healthcare Plan-IHP) me ew Kokkotun 504.

Menipw Ren ekkewe chon sukuun mi pwan wor ar semwen ewe esapw nomw non wewen ter me non Kinikin 504, ew 504 Plan ese pwan annukutiw an epwe wor. Ren ekkewe chon sukuun mi wor ar semwen a auchea repwe angei tumwunun safei me non sukuun me ewe epwe pwung ngeni wewen ter me non Kinikin 504, ew IHP epwe riri ngeni ar iwe 504 plan.

Met ekkewe pekin ettina sefani me nengeniochu mi namwot?

Annukun Kinikin 504 a namwot ren angangen ettina sefani an epwe ffeer fansoun meinis, ewe sia awewe pwe iteitan unungat ier ika atun sia menei. Ekkewe Kinikin ren District repwe feeri ew tes sefan me mwan epwe kesiwin nenien, ewe epwe pachenong an escape kapachenong non ekkooch prokramen sukuun mi non napeseni 10 ranin sukuun non ew ierin sukuun, amwokutu emon chon sukuun seni ew sokkun prokram ngeni

pwan ew, ika awesi ika ekisano an pekin aninis. Ew Kinikin 504 review ese kon afatafat epwe ifa usun non ekkei annuk. A tongeni epwe och an ewe district epwe ferata ekkooch annukun napanapen esinesin ngeni saam me iinn iteitan ier won ar kewe pwung me tumwunun ekkewe napanapen angang me ngenir ew ettina sefani ika ekkewe nipwakingaw an ewe chon sukuun mi weneiti terin iwe a kesiwin.

Inet emon chon sukuun epwe tongeni you seni ekkewe aninisin 504?

Ewe Kumien 504 repwene apwungano, repwe eaea ew ettina sefani, ika ewe chon sukuun ese chuwen wor terin ika an pinenpina ika keukun an tongeni. Iwe, pwokiten ewe chon sukuun epwe wor taropwen ika me repwe era mi wor an apwangapwang, ewe chon sukuun epwe chuwen chok tufich ngeni.

Mi pwisin wor an Oregon annuk fan itan chon sukuun ir mi tufich ngeni 504?

Uuw Ewe a kon itefouno ekkewe annukun Abbreviated School Day Program ([ORS 343.321 to 343.333](#)); annukun Tesin Pwopwun Ekkewe Mwokutukut (Functional Behavioral Assessments) me Kokotun Aninisin Ewe Mwokutukun (Behavior Intervention Plans)([ORS 343.154](#)); Annukun Mwusono ([OAR 581-021-0009](#)); me annukun Esapw Wor Akinikin/Nifinifin Aramas ([ORS 659.850](#); [OAR 581-021-0045](#)).

Met sokkun met kose tipeew ngeni ika kamplein epwe tongeni faen ren pekin akinikin/nifinifin aramas ekkewe mi wor terin inisir mi annuk me non ewe Kinikin 504?

Met kowe tipeew ngeni ren pekin akinikin/nifinifin aramas a tongeni epwe faen non ewe kinikin ika district level me [kapwung sefan ngeni ewe ODE](#). Met kose tipeew ngeni ren pekin akinikin/nifinifin aramas a tongeni epwe pwan faen ren ewe US Department of Education [Office for Civil Rights \(OCR\)](#) non ewe ewin fansoun. Saam me iinn/chon tumwunu ewe semiriit ra tongeni pwan tungor ew [arongongorong \(due process hearing\)](#) fan itan esinna, tesini, ika anenia ewe chon sukuun mi wor teriir fan nurun ewe Kinikin 504. Pwuratiw/atai ewe [Prokramen Mochomochen Ranin Sukuun \(Abbreviated School Day Program\)](#) ka tongeni faenuni ren ewe ODE non [email](#). Saingonon, Kinikin 504 me Title II seni ewe annuk ADA a mwutata kapwungun fan itan aramas (civil lawsuit).